

Ebembe - "Who will deliver me?"


ALÉ BENI HÚ SHIMBONYE ?

Lúno lusuku lwa mwenji, nibeke músahúla Msahú wa Búsoka, mwingi na mbúka ya m'múlú ya húmo mwami, wa ésé 'ya Basutoland, ya ú'o Afilika ya mbo 'o ya Téndé. Batú ba manga basanganine haho uhungwa Ikambo lya Abeca; Mwami hamo na wake m'maci babele hemo. Ikambo lya Abeca lya búb'asha, lúnge lyalama, na lélé na búhéké úhéta bwa épanga, élémúsesa mbo'o cibélé, lélyo Ikambo lyahúlútobola mitéma ya batú.

Ékyanga énibele músahúla msahú, m'maci wa mbele wa húlya mwami, nake i húlya mwami m'macana, ahúlúbalé'a úhúlanya bisoci ú asúsú abele na'ó ! lbyahimarine, anahila alúlú alé na ebebo 'ya m'múlú manga nibo, "Alé beni hú shimbonye" ? Na'útendela manga ungwatélece, lúmbaka wane mtéma húlé na shingo shingo ya manga, bino nilé mtú wa ú'ubakana manga inose. **Alé beni húnabasha úngwateleca ? Lúnge Alé beni húnakangúla ine nibo ambumye m-mbúno búca bwasona bwa lu'u ?** Nacelela ni'éte é'é ?

Benu bose mwikyé ine nibo nilé m'ma mwami, lúnge nilé húmo mwingi na ba'acana ba m-mahúno. Nilé wa m-numba ya Abeca, úh'ta mya'a ma'umi mabélé. Ine úba bibyo taby ahúlúngwatéléca atú, lúnge tabyahúlúmbonya tú'éte, inibo búbé bwahúlúhétakana úkanga ine manga

ALÉ BENI HÚ SHIMBONYEN ?



Húlya húlémú'éta ibé alé wa wamwitú. 1 Yohana 3:8.

úhéta. Ine nilé mlalú, lúnge nilé m-yakani. Mane mabo'o malé búnyonyo lúnge masona, lúmbaka malémú'amba na makala ma úkyenga ma'onde, na'yo i élya ésolwa 'yahúlúcutélwa. Bino búbé bwawa úkanga mane makúlú na mane mabo'o, na bino nilé mkangwa wa m-nyongobelo !

Bibyó anahi'ana hasé, nake alémúléla na asúsú a manga nibo, "Mungwatéléce ! Mungwatéléce ! Ale beni hu shimbonye ? Lúnge alé húshingangúle mwingi na éno ékango 'ya búbé na lu'u ? Ine na'únda Abeca, inibo búbé bwakéma mwingi nane, nabo búlémbúmbúlú téla msé m-nyongobelo. Nayakile wane mwana wa mbele, húnibele na'únda manga. Ekyanga énibele nimmete ú wane mkongo, ine nibeke nalalú'a ma'onde, na leumbaka lwa búlaleu, nahúlúkwéléla wane mwana, nanabungya wake mcwe, nake ibya'ule halya húbene. Namu tendela, mungwatéléce, mumbonye nihume m-lúno lu'u ! Baloki tabanabasha úngwatéléca. Ilanda (Lini) lyose talénabasha úngwatéléca. Úbibo, alé beni húnabasha úngwatéléca ? Alé beni húbasha úmbonya ?

Nanamkya'úla na útenda nibo, Alembe abe olé. Lúmbaka batú bose balémú'úbakana ité húbe. Bibiliya étado 'ya Abeca 'yalangésha na úkya'úla, úbanda na élélo 'ya hobe mtéma. Mwingi na étabo 'ya Baloma 7:18-25 twamona ité búbé bibwakéma mwingi netú, na alé beni húnabasha ú túhonya. Lúmbaka nikyé nibo, "mwingi nane, inibo m-wane mweko tamulé 'yangéne. Lúmbaka ú'únda ú'éta 'yangéne na'únda, inibo shilémbúmbasha ú'é'éta. Élya 'yangéne éna'únda, shilémbú'é'éta, inibo élya 'yasona énasha'únda i énilémú'éta. Bino mnga élya énasha'únda i énilémú'éta, inibo ta'éle ine húlémú'éta, búsele búlya búbé búlé m-nilé Lúmbaka nasohakélwa na m'ma'é wa Abeca m-wane mtéma, Inibo mwingi na wane mweko, nilémúmona húnge m'ma'é, húlémú'éta ilongwe na húlya m'ma'é húlé m-mbwane bwenge. Na húlémúkanga ine, na úmbé'a úba mca wa m'ma'é wa búbé, húlé mwingi na wane mweko."

Mcinge suku mtú hose i'ahila alúlú nibo, "Búhanya únilé, ine mtú wa mi 'úbakano ! Alé beni hú shimbonye !" Na mnga twaléléla Abeca, Ewe i'atúkya'úla na útúhonya.

MKYA'ULO


*"Nahangya Abaca manga mulé Yesú Klisi tú Mwami wetú." (Baloma 7:25).
"Inibo Mwana mnga amubé'a bútamba, ibé imwaba bútamba benebene."
(Yohana 8:36).*

Yesú i wetú mkyá'úlo wa 'wetú ú toca byo se byatúnymena. Ewe i mkyá'úlo wa obe útoca. Tahalé húnge húnamonenwa hemo búhonya, lúmbaka tahalé léngé cina m'mésé 'yose lyahelwe batú, létwacelela úhonyibwa nalyo. Mi'ambo 4:12. Yesú inose i húnabasha ú túhonya na ú túhumya m-mbwetú búbé. Wake mshi wasuku'ice ú msalaba, i húnabansha ú tú sú'a na ú túhumya búbé bo se. Tahalé mmbú'i, hange mloki, hange msahúci wa msahú, hange Pasi toli, hange húnge mtú ho se, hange lúbúnga húnabasha ú'úhonya uhume m-mbúbé. Alé Yesú inose, Mwana wa M'mo'o wa Abeca, i húlémuhumya búbé bwa balé m'mésé, Ewe i

húnabasha ú'úhonya na wake mshi, ú búbasha bwa Mtéma wa Mmaha.

Yesú, Mwana wa Abeca, acule m'mésé úkangúla meso ma baho'u, na úkangúla bakangwa bahume m-mbúkangélo, na balya bahi 'ekye m'mahúlú bahume hemo, na m-numba ya bakangwa. Isaya 42:6-7. Yesú atenjile nibo, mtú hose húlémú'éta búbé, ibé alé mca wa búbé, na wa wamwi tú. Inibo mnga Mwana (wa Abeca) amubé'a bútamba, ibé mú'úba bútamba benebene. Yohana 8:34-36. Yesú inose i benebene ya Abeca hélémú túkangúla ú tuhumya m-mbúca bwa búbé.

NAHANGYA ABECA Ú CINA LYA YESÚ KLISITÚ.



HÚKYO MWANA YESÚ MNGA AMUBÉ'A BÚTAMBA, IBÉ IMWABA BÚTAMBA BENEENE. Yohana 8:36.

Yesú, Mwana wa Abeca, ahe'ile bwetú búbé bose bwahúlú tatélélwa ú msalba. Benebene ahe'ile yetú mi 'úbakano, na úhe'a twetú túsúsú, na búbangya bwa etú alembe búbele úbanda nake. Na ú lúmbaka lwa 'wake úkombwa becu twahona. (isaya 53:3-7.

Balaba abele m'mwa búbé benebene, lúnge m-ya-kani, nake ahúlú'alélwa lúbangya lwa ú'wa. Lúnge abele acelela asúngélé'we, úbibyo Yesú ahúlúsúngélé'wa ha bwake búci'e. Yesú ahúlúhe'a msalaba, húlya Balaba wa'anjile úyakélwa he'o. Yesú, Mwana wa Abeca, ahúlúsúngélé'wa ha búci'é bwa Balaba, na ha bobé búci'é; úbibyo na húlya m-yakani, mmbibi, bahúlúkangúlwa, ú lúmbaka lwa húlya wa'ule ha bwake búci'é.

Úmanyé nibo, Húbe na ine túlé ité Balaba. Lúmbaka beu'ambi bwa búbé lúlé lu'u, inibo ékabi 'ya Abeca, 'yalémúhana ú ngana, búlé búlamu bwa ale na ale, mulé Yesú Klisitú. Mnga twanalola msalaba wa Klisitú ú bú'waca, iwimona húbe imwene ité byúlé, na bobé búbé iwabúmona ibwa'omenenwa ú msalaba. Úmanyé nibo Yesú awa ú'úsúngúla únibo úlame

ale ose, úlumbaka lwa mshi wa Yesú, wahúlúsukú'a úbanda msalaba 'wa úkakyélwa bobé búbé. Úbibyó Abeca a'ú'újile manga na atangile wake Mwana w'éninga, únibo húbe úle'e úcimina, inibo úbe na búlamu bwa ale na ale.

Ekyanga húlya m'ma Mwami a'écile ahungwe malya makambo mose, ahúlú'waca Mwami Yesú benebene, na útanga wake mtéma 'walé. Ewe wam'mwélélé úbanda msalaba, na úsukúla wake shi wa ékuci, úsú'a wake mtéma huhume m-mbúbé bosc. Húlya m'ma mwami ahile Abeca wake mtéma wa búbé, na Abeca anamma Mtéma wa mmbésé na úmkyeca Mtéma wa Mmaha. Lúnga ahúlú 'úmkyéla bwake búbé bosc. Na anammonya na úmmumya m-mbúbasha bwa wamwitú, bwa úkémibwea na búbé. Uhuma lúlya lusuku, na úkélélésa na mya'a ya manga, ahúlúkélélésa m-mbúlamu bwa úhéma búbé, na bwa úhangya Abeca, na bwa búhaha bwa bwake búlamu. Ta'ébele músola ma'onde lúnga na hicici yosc, hange úsola 'wanga, ashibebe múmanyi'éca benebene ya Abeca ú batú nibo, "Húlya hose húlé mwingi na Yesú Klisitú, ibé ésele ébúmbe 'ya mmbésé, mishinga yosc ya ale ibé yawa úcinga, na ibé yosc hésele ya mmbésé." 2 Bakolito 5:17.

Ina húbe, mmbúcwa nane húlémúsoma, úmanye nibo, húnabasha úhonyibwa ú ngyéla ya ú'waca Yesú Klisitú. Yesú atenjile nibo, "Mucwe únilé mbose balémú'úbakana na banyemenwa na miciko, na Ine inamuha bwiholeco." Húbe mmbúcwa nane, úcwe úhúle ha'onga na Yesú én'ékyanga, na úmmbwéle yobe misahú yosc bwasc, ya bobé búbé, na byosc byúlémú'úbakana, Nake tashi 'úkyúmbe tú'éte, mnga iwaba na mtéma wa úhikyú'a, na wa 'wi 'onja, na húlé na bú'waca. Hange mangó húbe húlé mtú wa m-lúbúnga suku manga, inibo hange úhúca bino wa'ékangwa na búbé. Mmbúcwa, ca'úno úlé Yesú, Nake a'úkangúla na ú'úmya m-mbúca bwa búbé, m'méno ékyanga. Ité bilya byahonyinyi m'mwa bibembi, na úkumbúla meso ma húlya mmo'u, núbúnga ana'ey'étéla bibyo. Yesú takalú'aka tú'éte, Ewe ité byalé lúno lusuku, na ibyalé na ale ose; alémúhonya mitéma ya balya ba'ondelela na yabungyé'a, na úkangúla baca ba búbé, m-mbwabo búbé. Na úkakyéla bwetú búbé bosc, na úhonya metú malwaci mose. Sabuli 103:3.

Si vous avez trouvé le salut en Christ ou si vous avez été béni par notre littérature, nous vous prions de nous le faire savoir. Nous aimerions remercier Dieu avec vous et prier pour vous.

Pour obtenir gratuitement de la littérature évangélique, des livres et des traités en plus de 540 langues, écrivez à:

E-MAIL: info@angp.co.za

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(Une Mission de Littérature évangélique financée de dons)

(Reg. No. 1961/001798/08)